

三先上集

卷之六

一



人瑞翁集 上

林春澤著

棋陽林氏三

先生集


一人瑞翁集

二少峰集

三碧麓堂集



進陽林氏



生

詩

集

序

庚子月

唐以詩取士蓋其世業也當

時父子兄弟代興競爽者甚

衆至於三世相傳自徐齊暉

武平一崔駟柳芳盧綸王播

數家外莫著於李栖筠柳公
綽若夫簪纓帶礪不乏奕葉
重光繇此觀之雕龍繡虎豔
於懸鵲珥貂竹園墨林重於
雲室麟閣不朽盛事固應特
屬文章歷唐以來

明詩為盛八驅上駟家握邊
城弓冶習而彌精埴篔吹而
迭奏惟是三世遂亦罕聞陶
維海隅齊盟御玉揚芬濟美

厥有林氏三先生蓋自太守
公以及司徒司空人各有集
集各成家司空諸孫孝廉只
遵默認以遜較屬予予愧無
能為後然循環展轉深歎其
難誠有出於象賢繼武抽秘
騁妍之外者蓋自昔之譚文
人輒惜其無年姍其無用而
且多以無行歸之太守公百
有四齡司徒司空亦皆踰八

望九官轍所至治理添閭康
濟經綸卓然為名公卿領袖
醇風如醴清風如冰不言躬
行孝友為政曰慈曰儉曰不
敢先子姓跋：布衣蔬食王
氏之澤未艾顏家之訓不湮
匪直模楷吾閩即寓內諸名
族所共以為稀有天與人交
應德與祉互凝夫豈偶然已
也夷攷三先生之生與仕正

當弘嘉隆萬全盛時所居旗山之陽是閩中江山最渺瀰深秀處太和之所盎溢坤輿之所澍清挺為人瑞賁為人文發以天倪本之性術調不必諧俗匠心而成語不必驚人神來而傳詩人之賦典以則治世之音安以和此詎可以漢魏晉唐繩其離合格調字句求其瑜瑕乎哉予不及

事太守司徒公而薄遊長安
親見司空立朝丰采貞白簡
肅有古大臣風政府是其密
煙屏跡自遠迴翔十載位不
過侍郎予以迂踈謬承特達
時進便坐而教誨之曰若有
意於功與言幸毋好名名者
吾所自有而造物之所深忌
也冉、且老猶書諸紳今得
縱讀三先生集乃知此語為

公家學蓋太守公之於李何
司徒之於王李司空之於雲
杜新都先後皆同時牛耳所
歸歟名者輻輳如驚而三先
生落：穆：度雖不廢獻酬
然卿用卿法我用我法略無
寄其籬落傷其壇坫意不數
十年間希聲藉響之傳煙銷
燐散而三先生名方定集方
傳結為大年積為餘慶旗陽

之峰增翠大江之流未央有
斐孝廉仍續其緒雖恂々
而分其才可蔭映數人將
來政恐名太盛敢以司空向
所語予為孝廉誦之老氏不
云乎無名天地之始夫非無
名也名而弗名廼始近於無
名三先生業已坐進此道即
功與言皆其塵垢粃糠而予
猶贅以數言予其猶有蓬之

心何足窺見先正涯涘萬分
一也

同里後學孫昌裔撰



旗陽林三先生詩序



吾郡之世並正卿代多才德者
莫如林同時有東西南北林之
號其居水西旗山稱西林則太
守贈司空人瑞公司徒肖峰公

司空碧巖公三先生是也夔為
童子已知四林官爵勲業心艷
之先君子與司空翁同年夔十
二頗能文司空翁為少女擇婿
才夔不鄙庶孽遂許委禽并授
史記焉而司空翁即以是年從
田間起為粵東憲副駁歷至九
列又二十餘載夔尚困諸生無
從追隨請益然自人瑞司徒皆
工詩與司空翁之外祖鄭繼之

先生齊名夔祖父言詩亟稱數
君子故夔因而知詩獨司空翁
處則潛心性命出則彈力經濟
不以筆墨見及萬曆戊午翁懸
車夔始執侍四載問翁著述大
奇翁曰凡著書立言不得志於
時所為耳人才難兼精神有限
且名固造物所忌也夔服格言
又心知翁未弱冠已博極群書
下筆驚人翁終若虛若無聞曰

少時專力漢書一部及佛書五
燈法苑二種皆自作小楷詮釋
評次自謂超出諸家上朝夕自
隨不幸遭頑火後追作難及矣
以此終莫能窺其著述翁沒既
久其賢孫遵默孝廉君始搜鑰
篋中發而梓之如龍甲鳳毛奇
秘希有於是司空翁之詩遂與
人瑞司徒一脉鼎足凡夔數十
年間堅請而不可得者今旣快

其及見又嘆其出之遲傳之少也若司空翁真無意於名而孝廉君真能述厥祖者矣古之君子處功名之際皆恬然弗居故福祚既流於子孫精神卒傳於後世易曰脩辭立誠子曰以約鮮失老子曰多言數窮不如守中况聲詩一途取易浮靡競勝之會乎三先生之行誼事業已表，不具論矣即其詩風骨高

入漢魏次亦遜體初盛宇內自
有定評夔獨於司空翁之恬淡
高介生平不輕作一事不輕出
一語深取以為立德立功立言
之法以其所親見者若此則其
先世所未及見者何如也噫自
童穉受知今復蹇蹶回思司空
翁初以風節林居二十載足不
出戶坐破蒲團推剛為柔無施
不可變負翁訓多哉遵默追琢

金玉幼為司空翁所器其尊甫
崇錫公積行累仁有劉愷丁鴻
之節家學光大鍾於是矣昔漢
詩首韋孟其子孫韋賢韋玄成
繼美致位卿相唐之蘇瓌蘇頲
亦庶幾焉進而求之則周魯之
豳風閔泮召康穆之卷阿黍苗
江漢遵默夔德友也將厚望之
不揣：言詩始可與言詩矣
崇禎丙子歲孟夏望日後學門

婿周之夔頓首百拜撰并書



人瑞翁詩序

原刻

同里王應鍾撰

余讀人瑞翁林先生詩蓋歎先生取數之全
不獨才稟非常亦有山川之助焉夫搽觚染
翰之士與延年度紀之老其相去固已遠耳
修詞者尚黻藻而騁才章疲精於刻畫然而
降年末矣結性者致虛而守靜專氣而抱一
外慕不存然而文采茂矣四皓老於嵩山子

真隱於谷口不必有文賈誼有聲於漢四傑
擅名於唐不聞其詩何者壽者擅天地之元
精文人洩造化之靈秘二者不可得兼卽唐
香山宋洛社之會耆英萃聚時各有詩唱和
侈爲盛事乃若踰八望九已難其人矧年踰
百歲壽溢期頤如人豈翁猶能騁技於雕龍
競爽於七端少而熙常老而爾篤非取數之
全古今之希觀哉翁所居旗山之下旗山西

來數百里巖從峯峯行若游龍止若翔鳳疊
翠層嵐逶迤而下展爲長林鬱爲叢薄大江
浸灌潮汐經門山川環拱風氣茂密而翁寔
居其麓詩曰惟嶽降神生甫及申地靈人傑
駿發其祥宜有如翁者旣壽且文並臻其盛
也翁博學該洽才識雄邁爲諸生卽著有禮
說爲四方學者所宗奉甲戌進士與鄭少谷
先生爲友少谷以詩鳴於弘正間與北地李

王序二
崆峒信陽何大復想頰頰翁子司徒公卽鄭
館甥翁定又於筆硯寔切砥焉少谷詩宗杜
少陵尚悲壯而喜凄婉翁初亦學杜後似散
學衆體不專一家然才氣豐富興致宏遠宜
莊雅於博大寄俊逸於渾雄山林日久撰著
益工五七言婉約清新若郢匠揮斤由基命
中少谷之後可多得哉然少谷壽不滿四十
位不遇卽署身後落莫視翁餘慶判若霄壤

司徒公致位九列養高林泉榮問休暢督學
碧麓君英年青雲師表人倫芳華未艾而翁
年踰期頤係曾扶膝老而益壯哦咏不廢求
之海內不能一二數也昔邵康節有詩自云
身經兩世大平日眼見四朝全盛時自以爲
慶以翁視之則身經三世眼見六朝代謝變
更凡幾閱耳卽無文水表見已爲難得而况
其盛若彼耶古者憲老而子乞言天子袒而

割牲祝鯁在前祝嗜在後公卿奉觴大夫進
履然而未必皆百歲之人能文之老使翁遇
此則蒲輪安車之迎誰實先之故余讀翁之
集以爲取數之全而謂山川爲有助亶其然
哉亶其然哉

人端翁詩序

原刻

後學蔡文範撰

世所稱善爲文章者若賈誼稱衡謝惠連王
勃之徒皆豐于才而嗇於壽說者固未嘗不
以呻佔椎琢爲伐命之斧至史冊所載壽考
鑿鑿可據者如竇公至漢文帝傳樂記時年
二百八十矣范長生始事昭烈至李特時猶
存年百三十歲羅結百二十歲頡 十二曹

李元爽百三十六歲爲耆矣首誰足百三十
歲以易教授此其人皆浮游任職非有奇能
異術如吐納家高翔遠逝之所爲者而又皆
壽考何也蓋不佞之言曰三季之前真氣未
離故得其精粹者而爲文得其淳固者而爲
壽而人之所鍾者爲猶全及其衰也粹者日
駁淳者日臬是故耆耄之夫鄉得一人焉則
百里避席矣風雅之士國得一人焉則千里
負璫矣且白首而無所表見者比比皆是而
玉折蘭摧千古有同恨焉嗟夫卽文章壽考
二者猶難之又况祿位子孫各臻其盛者乎
由斯而談若吾旗峯先生者無論耳目所睹
記卽求之史冊未見其儔毋亦精粹淳固之
氣始闢於邃古而今復還之於

昭代先生所謂得全全昌者歟先生以進士
起家周流中外旣歸而復旅卒之爲良二千

石余初入閩適先生百年之期士大夫無不
詫爲盛事今又過四而先生行步舒翔耳目
瑩徹雖中年不如逢時對客猶日吮毫賦咏
不倦今觀其詩少年諸作溫麗典則猶藹然
弘治之餘風正嘉之間縱橫矯慨無所不有
隆萬以來祥雅和適讀之悠然真如坐花源
之榻而遊擊壤之衢矣宗伯對山林公論文
章尤慎許可至評先生詩則曰雋永有味過

於繼之豈虛語哉夫先生之與繼之自在結
髮時名相亞余不敢輕論然繼之天材煥發
未見其止而一時宗匠如仲默子業亦厯厯
不假之年則其所受者謂非有所偏而然耶
我

國家運會天統淳固精粹之氣似已離而復
合閩越人文漸著僅五百年較之中土其在
虞夏之間乎而先生之獨鍾其全司所宜也

不然卽如前史所稱水居鮮食之人多夭而不壽而胡先生之履其盛若此哉先生旣年踰上壽而又司徒公爲之子學臬君爲之孫金紫訢訢猶然旦夕執紼瀡沫饋之節卽傳之寇綏書之簡策寧可一再見耶先生詩故有刻司徒公離爲諸體附以近作欲重梓以傳謂逋臣昔與學臬君同事西曹頗有荀狐之雅不可無一言迺不敢辭而書於簡端

程番太守贈司空旗峰林公行畧

莆陽郭應聘撰

公諱春澤字德敷別號旗峰當百歲時有司爲樹棹楔署曰人瑞人咸稱爲人瑞翁云始祖文蔚仕五代周爲奉節令有聲義不仕宋寓居于閩晚得北嶼之勝因家焉數傳至士衡始仕宋爲經畧使歷宋元迄于

明興代有聞人贈承德郎戶部主事養德公
則公父也母涼以歲化庚子冬十月庚申
生公正德庚午舉于鄉以卜兆葬母不訖
南宮試甲戌舉進士授戶部主事司權臨
清寬征疏滯商旅便之屬

武廟南巡邊帥江彬扈從張甚公持正不阿
彬爲氣奪已監督京通昌平倉清積貯之
耗爲正儲出席版之美爲公費與提督宦

者相持具疏論之無所訕遷署員外郎督
運北河河流阻塞與司空郎協力疏濬是
歲漕得畢達嘉靖改元召用耆舊戶部尚
書孫公侍郎秦公咸重公才章奏悉令屬
草尋晉浙江司郎中以盜闌入司藏謫江
西寧州同知怡然就道至則葺學宮新宋
周元公祠羣諸生講業于祠內亡何量移
判吉州督賦寬平政聲籍甚暇從羅太宰

行略
譚朱程之學一時名士如尹宗伯諸公皆
出門下尋遷慶同知會島寇掠高州當
事者檄公往攝篆公習知徭兵之害悉罷
遣之而代以土著部署方畧寇次第就擒
城堞樓櫓繕築堅完民賴按堵比得代還
父老遮留不可得相與勒石紀績且俎豆
尸祝之以迄于今已擢刑部郎中曹務簡
師事高陵呂先生得開心性之奧時

朝議邊方急賢守令擢公守程番公不夷鄙
其民均租稅正冠服建郡東石橋以通病
涉者改卜學官月朔進諸生辯析經術擇
耆老文學之士分布夷寨爲童子師于是
夷人始知漢威儀駸駸向學乃今賓興不
乏則文翁之化也卧龍金石二司暨通州
寨屢年失地督府檄公與安宣慰李指揮
協謀平復兵不血刃而反側自安功未上

會大計吏爲忌者所中公候調歸築錦溪
草堂日從父老故人引滿賦詩蓋自是無
復用世之志矣公天性孝友撫諸弟備友
于之愛婚娶皆取橐中里中貧者待而舉
火喪者待而衾歛丞嘗有田土穀有祠合
族有譜太誼章章不可更僕數也蚤歲喜
稱詩與鄭郎中善夫方僉事豪張山人詩
等倡和晚乃喜讀易超然默契以故神日

王而筋力不衰年踰期頤杖屨登陟矯健
如少年卒之日頭顱不垂端坐而逝人謂
公委脫云先是冬有星隕于所居棲鳥皆
驚屋後鉅石泐焉而公竟卽世吁嗟嗟異
哉所著禮記筌蹄十四卷今讀禮者多宗
之家訓十六篇人瑞翁詩集十二卷蓋公
生熙洽之世所漸靡于風教者深卽壯歲
懸車德施未究而以其惇龐博大之氣發

行畧
爲文章衍爲子孫引爲壽考自有閩以來
指難再屈也倘所謂得全全昌者乎
外史氏曰古天子巡狩問百年就見之而
莊生以爲大齊卽期願亦多山澤耳有如
公紆青拖紫子孫振振大哉余聞公與整
菴羅太宰涇野呂宗伯極論爲仁之旨而
愛人喜施可謂仁者壽矣

人瑞翁集

閩中百四歲翁林春澤著

同邑後學孫昌裔較

五言古詩

草亭閒望



草亭結山阿。曠視塵冥外。南薰舞新篁。飄飄
吹我帶。六月不知暑。虛壑生清籟。綠樹漲繁
陰。石磴侵晡藹。藹澗底激泉流。巖頭聚雲靄。群

動亦何情冥然與心會

暮泛白馬湖懷鄭繼之

返照明春湖片帆輕煙裏長空絕鳥飛汀洲
鼎芳芷美人望不來春莫吳江水

滄洲晚泊

輟權滄瀛樓忽叶滄洲趣小雨進風涼高天
欲日暮川搖返照明林集昏鴉翥萋萋芳草
烟靡靡平原樹接景萍心神行役豈吾事南
巡已經年北望空愁思王粲哀世情楊朱泣
岐路我聞十洲外別有滄瀛處丹砂大如拳
瑤草凝甘露何當解世紛徜徉從此去丹梯
躡飛梁羨門或可遇

出都城留別諸友

僕夫肅征駕晨出燕臺門感爾同袍子餞我
祇樹園清歌捎林莽商絃淒以繁奉觴聽謔
闕覺我心飛騫孤鴻叫其侶飄蓬未離根會

聚古所歡。離羣古所嘆。佩此嬾婉意。行行豈能諉。

其二

朝發都門車。夕登潞河舟。雁落沙渚淨。霜降菰蒲秋。天寒節物換。河漢曉夜流。回望郭隗臺。黃金不可求。涼風吹易水。壯士千古愁。廢興已陳迹。慨想何悠悠。芳華容易歇。蓬瀛何阻修。

望五老峯

何年五星精。降此崔嵬巔。屹立相拱向。飛聳朝皇天。雲霄露端冕。襟帶飄蘿烟。霓裳耀參斗。紫黛旛旌聯。日夕擎香鑪。上燭太微躔。濃烟灑空濕。飛散晴湖邊。天門新逐客。過此心茫然。秋風送孤櫂。意氣遙相憐。斂容注清睇。恍惚欲招延。我本飄飄者。遨遊挾飛仙。適然遭因謫。未卽祛塵緣。長揖五老去。興在滄洲。

前功成乘白鹿。接手扣玄玄。

登覽翠亭

晨登旌陽麓。肅展濂溪庭。緬懷遡遺躅。騁武
遵危亭。崖巖迤奇狀。葱蒨環來青。仰盼浮雲
飛。俯視川光晶。尋源杳難見。亭翠披餘馨。踟
躕發遐想。慷慨激衷情。但恐媿往哲。義和逝
無停。展禽混利光。屈子揚獨醒。道情隨所適。
未敢憂沉冥。

龍泉公宇

遠征費登頓。曠懷舒屏營。迴谿分楚碧。層嶠
來粵青。梧檟翳千章。菑畲散四坳。值茲陽景
煦。暫緣俗駕停。端居輟簿領。展玩流階庭。神
理愜心悟。寧嗟擾與萍。

詠鶴

客從遠方來。遺我一編鶴。置之芳臺前。矯矯
青田魄。羽毛雖闌珊。風格自超遶。圓吭仰志

霄清聲邈寥廓抗翅與微風有滄雲來薄平
生萬里心知汝不受縛無乃蒙譴尤樊籠暫
縻絡鷓鴣豈不偉垂天俟羊角鳳兮德之衰
四海亦飄泊為汝養修翎夷猶翔廣莫

胡澹菴

宋轍悲南航北風不可競遺憤靖康年淚下
如泉逆檣杙肆元兇倒持太阿柄壯哉澹菴
子壁立過千仞一疏抗危言白日寒光映遙
遙新州行幽馨起我敬

西塘雜詩

碩人事考槃灌園願素心雖有黼裳榮何如
葱蒨情深芳華繡錯吟列樹敷丹林老圃豈寂
寞遙遙托遺音一解遺音思綿邈陽晷逝載馳
迨此日未夕西麓含媚姿委折羊裘逕市塵
不可緇款款延三益續歌白雲詞二解白雲飛
央央迴影汎波瀾臨淵俯踟躕遡梁展流猗

梁虛停雲游淵泚漱石璨逝者乃如斯川上

感三嘆解三三嘆仍徘徊素月出東壁皦皦濯

芳池漣漪晶含碧夜氣冽以清上下寒相射

神理誰與言冥心于玄宅解四玄宅良自守美

人事潔修剪彼層臺蕪蒔此猗蘭幽翠條揚

素英清馥隨風流采采自愛惜無令傷凜秋

解五凜秋嗟履霜日夕天氣肅焜華凋無餘森

彼瀟湘玉詰朝雲雨深飄灑擎寒綠寄爾歲

寒姿懷姝媚幽獨解六

游歸宗巖

乘雲陟崇嶠戀此岩壑姿丹梯駕懸瀑青林

裊蘿絲石門側容武谷氣噓涼颺岸嶺互意

態偃仰各效奇高者龍鳳翔下者犀象馳窮

搜縱軒舉高嘯凌嶽巖天屏沁玄露一勺滌

煩脾乃知塵溷間咄咄良可悲靈源本無垢

至人多形遺吾將會玄漠泰清以為期

出守程番別金陵同志

自哂丘樊姿忝竊冠裳列疎頑中邁讒遠道
驚蹙躡嶺海蒙烟塵星霜倏更迭荷恩賜
環來得騁舊京轍清都流大觀良朋雅修潔
聊以息煩憂詎忍復乖別萬里下夷荒一麾
慙薄劣豈爲擇地謀眷此臨岐切去去任吾
生無令中腸熱

觀稼

仲夏日載長時雨亦旣足農人藝四郊苦心
淖泥溲餉婦息榆陰牧兒戲犍犢沃壤泛膏
泉露苗長新綠我時行其野登高騁遠矚念
此故蠻荒頗有太古俗比屋事耨耕茅茨存
沕穆翠落千山濃影倒一川淥寓目適休暇
撫景豁心曲緬惟無逸懷願慶有年祝擊壤
不聞譟遺音誰與續

野田黃雀行

野田禾黍熟。黃雀鳴啁啾。農人銓禾黍。婦子
嘻悠悠。歲時力作苦。今晨逢有秋。東家聚困
廩。西隣馱馬牛。賴彼蒼穹仁。雨暘無愆尤。蒸
豚報田祖。村醪招我儔。上無猛虎窟。下無毒
蛇湫。輸租入城府。山行何所憂。

山行

山行多險巇。執轡慎驅馳。七盤駭峻阪。九折
防崩坻。矧此駑馬姿。側足望修逵。局步不可
展。迤邐復臨危。蛟螭噴毒霧。魍魎潛相窺。雖
秉忠信心。蹇修誰爲辭。履險知自戒。遭蹶知
自持。陽烏日已逝。末路安可期。已矣勿復道。
振衣歸武夷。

錦溪新營樂丘成自題壙

旗山鬱鬱盤盤前。峯結瑤島仰。攀仙厓梯俯。漾
錦川藻伊昔樂斯丘。於茲愜懷抱。久爲爵祿
縻。致身笑不蚤。用拙莫予奇。乃今歛吾道。回

人瑞翁集
首登故山日夕恣傾倒我生非松喬那能永
壽考豫作藏真窩香雲護瑤草餘生倘苟延
泉石澤枯槁樂天復何疑乘化以終老

人瑞翁集

閩中百四歲翁林春澤著

同邑 後學孫昌裔較

七言古詩

竹齋

吳生清標不入俗蚤結茅齋種青竹春深風
雨蟄龍孫滿地蕭森簇寒玉晴窓素月明扶
疎涼颼拂拂時與俱開窓露坐天宇濶灑然

身在清冰壺。青陵廟前雲雨黑。瀟湘江上波
濤白。歲暮不覩鳳凰儀。岑寂山齋見物色。

出城憩觀音寺

疾藜古道出平野。菩提何代開蘭若。早春出
郭正冲融。息馬入門得瀟灑。相迎拄杖老浮
屠。自言家世南山居。乃是浮雲不住相。從來
回向心地初。香風搖落庭枝影。童子瀹茶汲
春井。蒲團深坐聽談空。頗覺塵襟發深省。我
知疎曠宜山林。跼促樊籠非素心。翠旗山前
海月白。靈源洞口煙蘿深。君不見香鑪舊社
白蓮開。未負淵明歸去來。

笑謔行

下馬披短衣。逢君笑絕倒。是誰短長云醜好。
形骸爾我竟何如。人心相忘何不早。我生焉
知爲我生。天地委形非有情。放浪形骸天地
外。泰山鴻毛何重輕。布袍春深白日照。仰視

太虛發長嘯。世今忘我亦忘人。我亦掀髯一大笑。

長安甲第行

長安甲第高連雲。東市西市爭華紛。朝橫牙
燾暮歌舞。僕廝一旦傾邦君。眼前氣燄未十
載。桑田洶湧成滄海。珠貝如山入帝宮。肌
膚頃刻爲菹醢。樓臺冷落庭院空。高門扃閉
生悲風。生時千乘與萬騎。死後不見應門童。
吁嗟金張勢未已。又聞許史縱橫起。朝求東
市第。暮求西市宅。一朝第宅更新主。春燕飛
來依舊喜。嗚呼太行之路能摧車。後車踵踵
仍奔趨。從古豪華竟爲崇。五陵金谷皆丘墟。
五陵金谷皆丘墟。長安甲第不可居。

居庸歌贈張心齋侍御

居庸城堞摩青穹。關門跨峙虎豹雄。千崖蕭
蕭響戍柝。萬木慘慘回悲風。上谷雲中出三

輔北門鎖鑰。空湯固。飛巒峭壁蒼翠寒。迅瀉
驚濤雷霆怒。憶余昔度關頭雲邊烽初息無
妖氛兒童走卒手加額。爲說潞陽張使君往
者。先帝事西巡。翠華晨渡榆河津。六軍腰
橫白羽箭。八駿身被金龍鱗。駕言遙遙向西
指。使君閉關不肯啓。赤心獨把逆鱗批。勁氣
直作神羊觝。羣小口噤不敢言。乃把六轡回
東轅。使君六月霜風冷。卽今凜凜橫關門。君
不見朝廷有道單于款。土木之鑿猶未遠。穆
王馬跡窮崑崙。千載祈招徒懇懇。嗚呼張公
之力能回天。况當攬轡澄九埏。吾將望爾於
秦華之山巔。

渡淮

長河五月南風健。挂帆歛出淮陰甸。暮雲隱
隱翠陂陀。爲指下邳天外見。關河枕帶遙相
連。緬想英雄殊可憐。王孫漂母古城下。老人

孺子圯橋邊。膝下之辱何足耻。博浪空椎志未已。一朝崛起乘風雲。蹙項滅秦指麾裏。漢家赫赫張韓名。功成自古難持盈。飄然高揖赤松去。悲爾沉寃走狗烹。往事浮沉已陳迹。悵望千秋三嘆息。推蓬起坐月明中。萬里波光。照顏色。

遠別離

遠別離。今晨豫章行。長安不可留。燕昭古臺久蕪沒。春草萋菲風颼颼。黃金不復見。駿骨無人收。鄒衍撫膺霜蚤隕。漸離擊筑天爲愁。我生不得逢姚姒。獨抱區區將安濟。樊偷常道以庖牙。鳳麟矯首而深逝。白日曖曖吾心憂。閭闔九重竟深閉。惻惻抱關去。聊向豫章行。匡廬五老攢峰入。霄漢康郎彭蠡溟。狂濤鳴。吾欲登高騁遠。分豁心目。清泉白石。將以滌鬱鬱之餘情。偉哉展禽子。小官不自用。

陶令未歸云折腰且莫辭遠別離何為悲丈
夫轍軻須明夷君不見豐城兩龍劍神物復
合還有期

別馮東沂太守渡彭蠡湖有作

岩頭扣罷雙石鐘餘音遠振雲間松長揖故
人下彭蠡比風高挂南飛蓬青山陂陀露鰲
背白浪噴薄愁雲容飄然中流縱一葦颯如
風雨奔蛟龍長安逐臣正憔悴興來向此情
尤濃揚瀾左蠡相激蕩大孤小孤當其衝沉
湘下注九江水星緯高臨五老峰銀河瀉下
一瀑布香鑪紫霧飛蒙茸太空逍遙送遠目
八極漭漭羅吾胸蜉蝣已在氛埃表江湖豈
惜流萍蹤袖中莫邪忽吼動斗間爛見光芒
鋒

修江秋意送楊州幕

黃龍山盤紫雲裏山下轟泉六百里湖騰飛

人珙翁集
雪注江潭。艾子城邊淨漣池。楚天昨夜生涼。
颺吹入江樓。暑氣消犀。津渡頭月色淡。旌陽
峯頂劍光搖。扁舟挂帆下江渚。蓮幕飄飄。渺
何許。南遊吳甸。謁司徒。北上燕臺觀。明主
桑蓬。豈止徇功名。民生國計。誰爲情。不見昔
人。謫靡盬。駢駢駟牡。勞宵征。嗟予萍水相逢。
地舊是玉皇香案。吏抱璞空懷卞子。悲操絃
會見鍾生意。兩京車馬多豪賢。鳴珂紫闥聲
駢闐。君去相逢如問訊。夢魂還繞御爐烟。

螺川逢黃子忠

碧螺山前天色晶。江風颯颯江水明。兀然依
棹發孤嘯。忽爾扣舷聞款聲。十年故人一相
見。顏色風塵感時變。展席各叙今昔悲。落日
相看淚如霰。昔君風采動中臺。車輪輒向都
亭埋。兩黜以來豈嶮岷。百折之後還崔嵬。通
從何歸氣矯矯。瘴烟漠漠嶺之表。肺肝元與

鐵石盟豺狼尚避風霜曉余亦被斥來江湖
骯髒與世頗相迂別足猶懷楚山壁鼓瑟不
習齊門箏嗟余與君俱落鬼把酒江頭慨今
昔直弦曲鈎安可論雲飛泥沉謾於邑君才
豈終淪艾蕭只今白日行青霄會須鳴劍一
抵掌共指扶桑銅柱標

元日陪周善卿夜談小酌醉中走筆作

山人勸酒歌

今晨何晨天氣新東風拂曙流蒼旻廬陵青
山繞客舍相逢却似山中人君居東吳下我
屋閩海濱海內十年舊弟兄邂逅奔走長安
塵長安車塵笑倥偬從來矩步難爲用浮沉
未足悲離合祗如夢山人送我酒且酌與君
共從此同消萬古愁清風明月到處堪吟弄
拉君髯勸君酒新年今日迎舊年昨夜送與
君對酌豈尋常莫負醅醕春滿甕平生意氣

亦飛颺。羨君已是朝陽鳳。孤燈照見霜雪顏。
雙劍忽作雌雄動。吁嗟臯夔龍見。今黃綺鴻
冥步兵空向窮途慟。伊誰天壤名爭重。

送張晴川北征

南浦見晴川。桃花春水發。長風挂席浮千艘。
餉輓飄飄出吳越。潯陽北望雲瀟漫。起看萬
里燕臺月。燕臺月照畫省堂。我昔曾飄雞舌
香。香爐伏枕夢魂杳。李白狂歌遊夜郎。因爾
壯遊重自感。臨歧慷慨贈干將。

清狂歌贈郭詡

我昔西游斌姥山。山中松檜吼風寒。言訪陶
皮舊石室。菖蔬翳翳摧芝蘭。夕陽下山發長
嘯。山前在翁向我笑。巾舄飄蕭髮髮皤。古顏
不入流俗調。在翁繇來清且狂。傲睨一世遊
羲黃。興酣頓失天壤瀾。意到獨擅丹青塲。丹
青淋漓走神魅。天壤么麼一掉臂。晴窓貌出

山水姿散地歛起烟霞勢憶昨西昌出郭門
狂翁適來攀我轅紛然邑子走塵市古風沕
穆驚猶存我本天華老逐客三載江潭行偏
側乃知仙隱自神奇猶向風塵能物色西風
吹我白菟襪欲尋初服還吾初相看便有蓬
壺意狂翁母乃陶皮之徒與

九日西峯寺餞胡庸齋之南都視乃子

職方用甫

青山俯平野古松颯天風祇園雲深壺飛閣
登臨宛在蒼茫中况值清秋菊花節東籬開
遍黃金叢廬陵文雅合賓從長揖山塘庸老
翁老翁商顏更躩躒秋高獨挂文江蓬文江
飛蓬向何處秣陵秀色橫烟樹伯子玉堂第
一仙南領香風飄漢署兩都已重班生詞千
里長懸孺子慕紫金山氣鬱岌堯烟烟萊衣
迎杖屨天華逐客嗟滯淫菊花照眼驚三度

酌酒勸君聽我歌。山風吹散青霄霧。吾宗司馬小泉公。寄言牢落江湖暮。

梅嶺行

昔我夢南遊。倏駕蒼髯虬。飛度白雲峽。梅花香正幽。今晨驅車出南粵。大庾山前見突兀。陰霾裂洞響哀猿。久石牽蘿搖古月。盤紆鳥道颼颼聲。兩崖嘯風雲出沒。山均古樹曲榭牙。南枝向人花正發。停車小折香風寒。始覺夢中事恍惚。緬昔尉佗舊土封。今茲海國烏蠻風。山川乘時日改觀。開元乃有曲江公。曲江神力排山壯。朔南孔道遙相通。入宋以來瘴未歇。逐臣遷客何匆匆。英州別駕雷州戶。惠潮亦竄韓蘇翁。萬里溪山未落莫。千年意氣皆豪雄。我今復從包孝肅。度嶺更向端溪曲。嶺頭梅白近含春。溪上水清還可掬。祇今海外稱勝遊。白日遠照南山谷。不須惆悵悲

遷逐嗚乎不須惆悵悲遷逐

羚羊峽三首

羚羊峽前風色高
羚羊峽口江怒濤
長年移棹維江臯
青山白水亦相盪
客心與爾同蕭騷

其二

歲暮我行嶺之表
天風吹度峽江嶮
長歌遏雲聲
繚繞枕榔瘴
雨含春稍遊子何傷心
悄悄

其三

此生自信非蠕涎
風雲變態仍問天
何用跼跼驚飛鳶
扶桑斷石去不遠
銅柱高倚南山邊

金陵元夕

協風噓太簇
江南雪山瘦
青天夜捲江頭雲
九衢月色光如晝
金陵佳麗舊神都
六代豪

華迹未蕪。王謝堂前喧鼓吹。金張館裏禱笙
竽。右軍老子其寂寞。獨坐空庭歌綽約。素絃
一曲月光寒。野鶴高鳴動寥廓。

送陽以道歸桃川

桃川子。歸桃川。朝發鳳凰臺。夕指魚鳧天。蛾
眉山月照滄海。巫峽溪風吹紫烟。錦城西去
桃滿川。春風爛熳開欲然。落花片片隨流水。
青山悠悠不記年。桃川主人好歸去。何用窘
束坐自煎。君不見封侯何人曲如鉤。道邊何
人直如弦。從來矩步難爲用。自古紅顏多妬
妍。君今棄置勿復道。且向桃川高枕眠。赤霞
瀲灩波光泛。看君不異桃源仙。

贈別李遷喬

去年飲馬卧龍津。與君踏遍東山春。今年對
酌春亭下。石畔花枝相枕藉。人生浪迹真轉
蓬。君今西行我欲東。罷酒相看各惆悵。傷春

人瑞翁集
話別何匆匆看君腰間橫紫電十年磨淬清
霜鍊山中魑魅久潛踪天上星文今復見聞
說大廷方策勲醉尉莫慢李將軍蚤晚燕
然高勒石馳聲報我滄江濱

人瑞翁集

人瑞翁集

閩中百四歲翁林春澤著

同邑後學孫昌裔較

五言律詩

安原西菴訪友

山僻投書隱禪空洗俗心
草香眠麝穩雲冷出泉深
一室正虛白孤燈照古今
相逢歌未已千古見遺音

人瑞齋集
十一
嶮峽夜雨

窮陰雲氣合。人夜雨聲號。峽急雷霆鬪。山寒
虎兇嗥。世途堪涕淚。客棹恐波濤。燈火孤帆
影。征魂遠夢勞。

題楊恒叔陶園

溪上山長好。天涯鳥倦飛。百年渾是夢。萬事
不如歸。慈母昔縫線。君王今賜緋。茲園丘
壑裏。花草正生輝。

其二

松菊遲遲日。桑榆翳翳陰。浮塵雙睫外。生事
百年深。權撥隨鱗躍。窓開入鳥吟。是非今與
昨。回首更何心。

浦城西郊次彭美中明府韻

山城遲日淨。長路客懷開。野老燒茶出。高僧
載酒來。隴畝曲。麥溪雪。落殘梅。皂蓋真民
牧。陽春逐騎回。

西湖次鄭繼之韻

湖上尋春事。天涯泛梗同。角巾山寺晚。白馬柳堤風。澤國吏情遠。帝闈愁緒中。未能從逋老。莫擬哭途窮。

九月二十四日早朝

走馬出東署。承明漏向殘。月華分曙色。霜氣重秋寒。車駕榆林道。衣冠玉筍班。小臣金鑑錄。何處達龍顏。

小野堂對菊

客次悽疎放。寒庭菊有花。西風驚處戶。南國負煙霞。三徑秋山暮。重陽落景斜。淵明歸未得。愁絕向京華。

憶鄭繼之

少谷吾憐汝。形骸亦已忘。飄颻四海志。嬾漫十年郎。玩世惟垂眼。歸山有草堂。且從金馬隱。與爾共徜徉。

昌平弔劉黃祠次鄭繼之韻

志士惜流落。故川遠有祠。名高下第日。心苦
上書時。一點歸何晚。羣姦死已遲。豈知朝代
別。揮涕誦君詞。

次韻荅方思道見寄兼懷鄭繼之張道

宗

遲日思君子。招携汗漫遊。客疎嫌地僻。官冷
喜春幽。青草風烟暝。空庭燕雀留。何時拉張
鄭。披豁話林丘。

秋郊晚望二首

斜日江湖冷。遙天草樹迷。總戎勞萬乘。馳檄
過三齊。落木驚秋老。歸禽帶月啼。西風吹畫
角。商調益清淒。

其二

江城傳鼓角。吏士勞戎衣。野色向秋薄。晚山
入望微。風波何日定。時事與心違。溪上黃花

逕憐予蚤未歸

秋愁

寒氣逼秋昊繁華非久居崑崙迷八駿雷澤
有多魚塞北兵何事淮南國已除誰能解金
甲生計復犁鋤

出清源近村

馳逐悲多事倉皇出近村茅茨低野樹雞犬
閉柴門白叟鋤田健黃童戲犢喧風塵却憐

汝何處問桃源

濯纓閣會李巨川張伯初小酌

汨汨出齊郡悠悠下廣川子城叢灌木官閣
俯清連野興飛鳧外狂歌落日新亭風景
別有用汨潛然

其二

行邁日靡靡竭來芳草亭疎簾清水氣高柳
隱蟬聲六月無煩暑孤雲有遠情塵緣祛未

人瑞翁集
得聊此濯冠纓

繇清源抵京月餘復出分司通州

齊轅初稅駕三輔復移車
岐路更堪笑室家
那定居萍流虛歲月
樗散合江湖城闕西風
起憂心苦未舒

通州喜戴師賢至

秋色連三輔天涯復對牀
石渠尊小戴漢署
老馮唐喜極翻疑夢
時危轉自傷與君論社
稷橫劍欲飄揚

病中懷鄭繼之

抱病秋光老懷人不可攀
何時同避地羨汝
蚤歸山興遠江湖外
各高天地間芳隣吾已
卜爲掃白雲關

正月二日途中

稍見兵戈息初逢歲月更
四郊無野哭百鳥
各春聲浩蕩看山意
遲回戀關情昨聞朝令

節心喜 聖躬平

春日王叅戎泛舟御河兼試轉運二首
玉溝下河漢春水動樓城柳塢隨舟轉花風
拂幔輕覽時多逸興籌國有深情君是尋源
使 河到底清

其二

河渚明青草城陰上小舫水從天際下槎傍
斗邊高王氣荆襄起軍儲節鉞勞東風散愁
思浮白泛春醪

聖駕至自安陸奉迎于宣武門

朝旭初升海狼煙不照邊傳賢今舜禹繼統
漢昭宣山谷思觀化經綸合用賢含香猶不
賤自幸列清員

其二

月明鳩鵲觀雲繞建章門代邸迎文帝朝儀
陋叔孫乾坤南面正霄漢北辰尊遲莫初逢

日芻蕘聽采言

林克相侍御招遊海音寺

玉臺凌曉靄。鏡閣照沉冥。無盡千燈影。真如
萬劫醒。春湖浮日動。梵磬出雲聽。咄咄發深
省。寥天萬古青。

其二

太液晴波湧。春流遶夾城。馬蹄芳草細。鳧影
暮雲平。肺病經時出。塵襟向此清。謁來觀化
日。委順已無情。

春日署中卽事

浹旬淹卧病。畫省謁來遲。春與心相負。人知
老有期。煖花多宿草。寒樹又新枝。勲業思前
輩。身名只舊時。

其二

管領東風得。居常漫興多。開軒移灌木。護正
種新荷。肺病唯耽煖。詩狂尚作魔。春來幽意

人玉象集
熟畫省亦岩阿

夜雨

沉沉雨不止。閉戶野涼侵。枕簟報秋早。江湖
入夢深。夜清蘇肺氣。客久抱鄉心。遠想高飛
鵠。隨風到故林。

鉅野湖

魯郊存故澤。野水漫平湖。遠影孤帆盡。高秋
落日蕪。風聲淒。鶴鶴霜信晚。菰蒲惆悵獲。麟
地蕭蕭古渡隅。

荒村夜泊

宵征市廛遠。歲逼風雲陰。落月荒村冷。閉門
黃葉深。漕舟響夜柝。戍婦調寒砧。客子孤燈
影。蓬牕萬里心。

宿青縣公署

江亭寒色淨。夜榻水光連。遠意青山外。孤心
白月前。生涯真泛梗。客路又窮年。深坐燒官

燭聞雞獨不眠

• 曉發河西驛

驛路遵河滸歸程近
帝鄉野雞寒啗月成
角曉吹霜霄漢紅雲動
關山紫氣長江湖不
盡意望闕更徬徨

除夕

勞生機未息今夕歲云徂
梅柳故園寂風霜
容鬢疎梅花隨俗嬾燈火照人孤
筋力非年

少乾坤問壯圖

立春日

殊方初改歲旅病又逢春
杯暖椒花嬾盤輕
細菜新年侵更世味性拙任吾真
近讀潛夫
論清愁見古人

• 王家渡阻風

飄泊官河渡春深多烈風
黃沙迷日月白浪
噴魚龍世事難高枕
生涯易轉蓬乾坤自逆

人瑞翁集
十一
旅江漢任萍蹤

哭鄭繼之三首

艤棹春湖上。蕭蕭青野堂。桑田忽以變。松菊亦無光。末世風騷遠。斯文骨肉傷。平生知己淚。哭汝白雲長。

其二

執紼向何處。青山白雨邊。名高天亦忌。道重世爭傳。江漢先歸日。英雄不盡年。梅亭有豐

碣。千古麗雲烟。

其三

少小慕儔侶。論交爾獨深。百年兒女眷。四海弟兄心。白日收真氣。黃鍾輟大音。江門空老我。落葉滿秋林。

卧起

幽居成懶癖。卧起愛秋清。江白海天曙。雲深山雨聲。庭花神對整。沙鳥眼俱明。車馬門間

寂應餘肺氣平

寄林貞孚

維揚昔把袂故國官相思爾病加餐後吾憂
洒淚時經年南浦棹長日北庄基矯首天涯
意青山詞紫芝

清源感舊

衛水流萍地回思扈蹕年江湖雙鬢短夢寐
寸心懸故老欣相見人家不似前遲迴移棹
去汴渚滿風烟

部直

鳳城喧擊柝閤吏報更籌月浸金莖冷參移
玉露秋種桃悲道士紉菹慕靈修高枕不成
夢含香未散憂

元日得家書

旅愁逢正旦遠道得家音妻子荒年病風塵
欠客心折腰仍五斗懷璧負千金尚愧龐居

士携家息漢陰

• 建昌縣訪許竹光邀遊呂叟山亭

言訪竹光子相携入薜蘿
青山黃鳥喜茅屋
白雲多醉作披衣卧
狂爲拔劍譌殷勤
謝呂叟莫訝客星過

元夕觀燈

墟市明燈夕招携竝醉看
春杯湖海接津鼓
歲時歡白月心同遠
青山意自安年來廣陵

散慷慨向誰彈

王茂才山亭宴集

愛爾草亭靜青春聚薜蘿
藥欄明客眼花逕
遶童歌杯落溪風細
山深野翠多微酣聊縱
步蕙帶拂雲和

吳城望湖亭

憑高見彭蠡愁思迥
然開山與水經緯鳥兼
雲往來時違淹逐客
興發滂登臺未死心猶

壯長歌天地迴

立春郡齋獨酌

歲華驚旅客春信報兒童
京洛三年夢江城
萬里風哀慙官獨後
狂笑眼誰空對汝傳椒
頌長歌樽酒中

早春出郭

江城昨夜雨原上草芽青
春色不相負空愁
何日醒朝廷誰記憶
湖海尚飄零笑指梅花

下揮絃試自聽

別胡東洲明府

相携驚別久相顧別猶難
帆帶十洲雨雲迷
五老山行藏徒慷慨
嶺海任聞關何事楚狂
者長歌去不還

翠峯

羣山連楚粵迢遞赴江廬
寒翠撲秋水青蓮
亭太虛陟崖頰杖屨伴鹿
只詩書受得浮丘

人瑞翁集
詠王門能曳裾

還家

六載江湖役歸來喜復悲
丘墳新草木風雨
敝茅茨訪舊半成鬼
逢人多訴饑客心零落
後祗益鬢毛絲

除夕至家

浪跡疲終歲今宵是故鄉
碧山迎舊主畫燭
動春光桑梓寒溫語
屠蘇潦倒常已知非夢

寐醉舞復如狂

舟下錢塘

錢塘望吳越長夏大江風
海氣乘潮上山形
按地雄經過今幾載飄轉
又孤蓬宿蓋多非
舊棲棲愧薄躬

秋官寓邸卽事

野人興未減寓舍亦蕭騷
吳苑滄洲暮鐘山
紫氣高風松寒夜枕煙柳
淨春袍頗覺塵機

息吾生聊亦逃

其二

齋居太液北清眺石橋東鷺浴蒹葭雨馬嘶
楊柳風逕初開蔣詡玄未草楊雄千載龍蟠
地江山意不窮

夏日宴集雞鳴寺憑虛閣

金雞鳴已徹空翠撲飛鸞佛閣三千界天風
十二欄暑清商意動歌放空愁寬莫問南朝

事長江是大觀

秀水公署見孫

童孫能認祖一見破愁深未問巾中白却憐
腰下金行藏徒爾愧衰老已吾侵異域家庭
喜醺醺如故林

經桃源洞

阿房將失鹿岩谷有高人猿嘯林中月花開
洞口春萬山肥紫蕨十里隔紅塵漢魏無人

識猶云是避秦

• 元日喜晴

萬國乾元日。孤臣戀闕情。
青春憐絕域。白髮愧專城。
夜色新收雨。晨光故放晴。
東風知有意。好頌泰階平。

山行

萬山行不盡。遠驛得芳晨。
野蕨依雲長。岩花看雨新。
生成皆帝力。耕鑿是吾民。
自笑行

春地山中賸有春

賦懷二首

鎖院彌旬日。冥心靜自依。
地幽羣雀下。天遠一鳧飛。
撫世空懷璧。驚寒欲授衣。
清秋廣陵散。太息賞音稀。

其二

木葉紛已脫。庭空獨閉門。
詩書餘白日。鳥鵲集黃昏。
敢以素絲變。誰同青眼論。
遐方復歲

暮心折到丘園

晚秋出郭

出郭意不樂看山日載陰窮荒寒氣早老眼
暮雲深野獸號空谷丹楓染舊林南樓無雁
過何處寄歸心

臘月朔日覽鏡

覽鏡自相笑寒光映素絲半生多失路何由
是歸期片朔已終歲年華還幾時眼前冰雪

意獨有隴梅知

蚤春出郭

出郭值清晨東風淨馬塵柳條青眼動草色
碧芽新有土皆生物無山不受春遐方慙拙
牧遲日照孤臣

罷郡別何陋亭

邊城藉疎豁忽報解官回芳草歸途積青山
咲眼開此亭還有主而我本非才臨別祝花

草春風好自培

其二

罷郡亦不惡天涯非久遊
塞翁其棄馬漁父願隨鷗
歲月已虛度吏民休見留
世間皆傳舍亭下散離愁

舟下沅江

興逐滄洲去江光處處村
天開雲夢澤地隱武陵源
洞口桃花老湖邊竹淚繁
清芬餘草

木風物近中原

畚借閒族兄

山中閒歲月偏許借吾兄
南浦從鷗狎東臯放犢耕
獨醒綠少飲高卧自無營
笑我逃名晚衰遲學養生

石筠亭小坐

谷口鶯聲早茅亭坐目溫
竹光圍翠霧石暖擁香雲
已喜暮年靜亦知吾道尊
青山對青

眼相見每欣欣

茂對亭新成

寄傲得幽曠坐來愁已空
憑欄千里月徒榻
一江風遠謝終南
逕行招河上翁
青山對高枕
吾意附冥鴻

其二

何處藉疎豁孤亭入暮秋
江山無盡藏天地
本同流又與漁樵狎
不妨麋鹿遊
從茲看世務
已是泛虛舟

次韻答林東渠處士

小築聊携幼端居春更幽
雨荒三逕菊門繫
五湖舟蘿磴穿雲上
松臯伴鹿遊
山中聞伐木
感爾獨相求

壽梅湖居士

郭門尋舊侶携手獨新人
青眼恰雙喜白頭
同九旬梅花廣陵散
湖水羅浮春
此會更何

詬相從問谷神

自嘲

歲月嗟無幾
形骸笑不同
白眉三寸許
青眼一雙矇
丘壑煙霞外
詩書夢寐中
只餘腔子裏
靜坐主人翁

人瑞翁集

